

La Tutschina, 4-12-2015, nr. 24

Ovra lirica cumpleta d'Alfons Tuor

Editur: Renzo Caduff


Norbert Berther

La dumengia, ils 15 d'october 2015, ha giu liug ella sala fullanada dil Hotel Greina a Rabius la vernissascha dall'ovra lirica cumpleta d'Alfons Tuor (1871-1904) edida da Renzo Caduff. L'introducziun fa *Anita Capaul* dalla Chasa editura rumantscha da Cuera responsabla per l'ediziun. Ella surdat lu la direcziun dalla fiasta ad *Otmar Seiler* che dat il plaid ad *Armin Candinas*, president dalla vischnaunca da Sumvitg. Il Chor mischedau da Rabius conta lu enzacontas canzuns da viarva d'Alfons Tuor sut la direcziun da *Gabriel Derungs* (Allas steilas, Ave Maris stella, O cara Surselva, pompusa spel Rein etc.). Lu presenta igl editur *Renzo Caduff* l'ovra lirica cumpleta, vid la quala el ha luvrau biars onns.

Alla fin sediscuoran Otmar Seiler, *Leo Tuor* ed igl editur sur dall'ovra.

La nova ovra cuntegn tuttas poesias d'Alfons Tuor, era talas tochen dacheu mo en fuorma da manuscret. Il relasch vegn conservaus d'in parent digl autur che senumna medemamein Alfons Tuor sesents a Büttikon. Il poet Alfons Tuor ha publicau a sias uras sez differentas ediziuns da sias poesias (1890-1901). Quellas ha Renzo Caduff ediu el text original ensemen cun declaraziuns da certs plaids e commentaris. Enconuschentamein gliemava Alfons Tuor vi da ses texts, aschia ch'igl ei avon maun pliras versiuns dlla medema poesia. In exempel ei «Il semnader», ina dalla pli bialas

Cuviarta dil cudisch da 565 p. cun numerusas illustraziuns per part aunc buca enconuschentas. Il portret tochen ussa buca enconuschents muossa Alfons Tuor ella vegliadetgna da 24 onns ensemen cun la crutscha ch'el stueva duvrar pervia da sia malsogna dolorusa.



poesias da Tuor. Egl «Apparat» dil cudisch vegn la genesis da quella declarada, sco era dallas ulteriuras ovras. Fetg informativas ein la biografia, la bibliografia e la corrispondenza per part tschentada en manuscet. Quella ei sco Leo Tuor di reclia, q.v.d. verdeivla. Ins intervegn per exempel dallas difficultads da survegnir ina piazza adattada e da problems finansials. Il bab recamonda al feagl da secuntentar sco telegrafist, ligiacudischs ni signun. Quei ei buca succediu ed ei deplorabel, viu dil pugn da vesta dad oz anora denton in cletg, pertgei aschia ha el saviu sededicar l'entira veta alla litteratura romontscha. Ella dat perdetga dil schar encrescher (naven da Londra e Paris), da sias suffrientschas (staus 3 gadas a Lourdes, mo senza migliurament),

da sia cardientscha, denton era da sia satirica e da siu humor. Ils 19 da mars 1904 ei Alfons Tuor morts ella vegliadetgna da 33 onns (mo dus meins biabein suenter la mort da siu bab (10 da schaner 1904).

Alfons Tuor ha aunc scret ulteriuras ovras linguisticas romontschas, historicas, politicas e religiusas. Era enzaconts dramas derivan da sia plemma (Il gerau da Schlans, Ils Franzos a Sumvitg, Il ranver convertiu etc.). Quellas lavurs ein denton buca vegnidas publicadas el niev cudisch.

Il niev cudisch lai reviver las poesias e lur historia dil meglia liricher sursilvan e porta alla glisch aspects tochen oz aunc buca enconuschents.



Otmar Seiler, Leo Tuor ed igl autur, Renzo Caduff (da sen.) sediscuoran davart la nova ovra. Renzo Caduff ei carschius si a Mustér, ei denton burgheis da Tujetsch (feagl da Giuseppe Caduff (scol.) da Rueras). El ei docent da romontsch allas universitads da Geneva e Turitg. – Il cudisch sa vegnir cumpraus dalla Chasa editura rumantscha da Cuera ni da mintga libreria e cuosta 42 frs.